

本傳

鍾

筠

溪

集

鍾芳字仲實。先崖州人。改籍瓊山。少育外親。因黃姓。後秦復焉。自幼穎異。十歲入州學。宏治辛酉領鄉薦第二。正德戊辰登進士。二甲第二。選翰林庶吉士。授編修。以忤時左遷寧國府推官。精於吏事。能折滯獄。他郡咸求質成。政績大著。會大水歲浸。議行賑恤。民獲奠居。部使者交薦其賢。陞漳州同知。尋擢知府事。時兵憲欲征漳寇。芳主相機撫剿。督府卒從其議。陞南京戶部員外郎。署吏部稽勳司郎中。轉考功。一時名公如劉春。羅欽順。凡甄別優劣。皆從其言。遂實授陞浙江提學副使。校文必尙名檢敦行力學者爲上。頓悟淹貫。言行知慎者次之。挑達諧蕩者。文雖工必懲。由是浙士斐然向風。陞廣西右參政。單車入洛。容諭降賊帥羅朝望等千餘人。尋調兵扼險。攻柳州馬平之穿山峽。賊皆喙息。貴縣多虎患。爲告山神。虎悉遠遁。會督府召議軍事。芳留蒼梧而鵬剿六青諸洞。招降賀縣恩柳等寨。皆其策。

鍾

也。

募在據討田州叛酋岑猛。定平梁大藤峽。屢有軍功捷聞。兩賜金帛。陞江西右布政使。凡藩祿軍需之難處者。區畫悉得大體。歲徵庚寅陞南京太常寺卿。明年春大臣行祭告禮。欲比正祭。芳言告祭主於誠。不在備物。禮當與正祭異。惟用脯醢酒果。上從之。著爲令。尋擢國學講官經義。求諸身心。胄子莫不感動。陞南京兵部右侍郎。與參贊王廷相協恭革弊。諸凡稅監爲之頓清。改戶部右侍郎。與許讚經畧邊儲。以紓民力。復查舊規嚴限以警濫濫散餘米給軍。以免齟齬之患。於是漕政大舉。甲午七月南京太廟災。自陳修

溪

省。以回天變。言甚剴切。且乞休益力。上重違其請。准致仕。居家十餘年。未嘗一至城市。惟以書吏自娛。有干以私者。謝曰。吾守志猶嚴婦。豈以晚而失

集

節耶。事繼母楊至孝。兄避弟英早夭。禮懃惇廢。俾守貞得所。人以爲難。其爲文雄渾精深。氣隨理昌。論學以程朱爲宗。嘗言性根諸心。非學弗培。故道問學卽所以尊德性。非有二也。又謂存養兼動靜。非端默靜坐之謂。知行本自合一。知以利行。行以踐知。理無內外。心亦無內外也。晚年卜築於瓊。

鍾 筠 溪 集

名其居曰對齋。義取對越上帝。事道卽事天也。蓋其功名益密。所造益深矣。
嘉甲辰卒於家。年六十九。訃聞。贈右都御史。賜葬祭。芳性簡重。寡嗜慾。其
爲學博極而精。雖律歷醫卜之書。靡不通貫。然皆取衷於孔孟正論。爲嶺南
鉅儒。所著有學易疑義二卷。朱彝尊疑義考作三卷春秋集要十二卷。四庫全書提要。此
書以集要爲名。故文殊簡畧。中間如謂春王正月爲建子。謂桓公三年書有年
非紀異。謂襄公二十八年書衛侯衍。非俟其改過。謂昭公元年書敗狄於鹹。
非譏毀軍崇卒。皆發前人所未發。復有皇極經世圖。續古今紀要崖志畧。小
學廣義。養生舉要。及詩文三千卷行世。獻徵錄子允謙。字汝益。爲人純實。廉靜
無求。讓父廕於從子。鄉人高其義。登嘉慶己丑進士。知浙江寧海縣。稽飛
稅均。丁糧。復墻塼。以滋灌溉。牛志以經學節吏治。洎事嚴而有法。庭無私
謁。建社學。置社田。留心教化。浙江通志歷陞知福州府有惠政。丁
艱起復。補知萊州。卒於官。與父同祀鄉賢。允謙子儲。溫和純厚。事繼母得
其歡心。尤善處兄弟。不失世訓。賈志

鍾 鎬 溪 集

傳

四

鍾筠溪家藏集三十卷

鍾 筠 溪 集
四庫全書提要。瓊州府志。載芳詩文集二十卷。此集文二十四卷。詩六卷。與志不符。蓋志誤三爲二也。第二十卷。第二十一卷爲讀書札記。第二十二卷爲皇極經世圖續。所推起宋神宗。迄明嘉靖。第二十三卷爲雜著。第二十四卷爲怡情要覽。蓋皆各自爲書者。附編於文集云。

案此集范氏天一閣珍藏修四庫全書時由范氏進呈

侍郎鍾芳諭祭碑

嘉靖二十三年。御賜祭。遣參議方民悅。諭祭致仕戶部侍郎鍾芳曰。惟爾性資敦篤。才識通明。發跡賢科。掄官史職。出補外郡。洊陟郎曹。擢司臬而學政事新。舉參藩而軍功克著。奉常兵侍。效職留都。進佐司徒。允周國計。方隆委任。肯乞休閒。旅常優游。遠爾淹謝。忽聞訃喪。良用悼傷。特頒卹恩。以爾往勞。營葬有制。賜祭有儀。靈爽如存。尙其歆服。

碑

通議大夫戶部侍郎贈都察院左都御史筠溪

鍾公墓誌銘

通議大夫詹事府詹事香山黃佐撰文

瓊有鉅儒曰筠溪鍾公。諱芳。字仲寶。系出魏侍中繇。傳主唐中書侍郎紹京。始徙贛。家龍南。又傳至宋龍圖學士佃安。撫廣西討平黎寇。著績於瓊。其裔孫淳傳。德賢克偉。至鍾。乃徙萬州。公高祖也。曾祖惠。洪武中徙崖州。祖京。考明。俱贈戶部右侍郎。祖母孫氏。母彭氏。俱贈淑人。繼母楊氏。封太淑人。祖嘗育於外親。冒黃姓。至公顯庸後。始奏復焉。公自幼穎異。十歲入州學。十二喪母。知哀慕。以十年喪父。哀毀轉倍。其真知力行。蓋天性也。宏治辛酉領鄉薦。第二。正德戊辰試禮闈。康修撰海擬首選不果。乃貢第七。文名大震。登進士二甲第三。改翰林庶吉士。授編修。忤時左遷。學國府推官。精於吏事。能折滯獄。如朱氏婚婦。趙氏發冢。皆一訊即服。他郡咸求質成。公應之。犁然。無不愜當者。會大水歲歉。議行賑恤。民獲奠居。政暇則啓廼

鍾 靖 溪 集

來學。部使者交薦其賢。壬申陞漳州府同知。癸酉供事場屋。闔卷刻文爲監
司所咨。得人最多。尋攝府事。時兵憲欲征漳寇。公主相機撫勸。督府從公
議。鎮守中官市絹索需擾民。嚴加禁戢。擒漳浦豪猾徐姓者置諸法。自是獄
市靖矣。乃行鄉約於諸邑。作詩以風。勸其父老。教詔其子弟。俾知敦化
向學。逾年而民俗不變。甲戌陞南京戶部員外郎。士民攀轅。播於歌頌。既
去任。李巡按如圭。猶以異才薦之。遂署南吏部稽勳郎中。轉考工。一時名
公如劉太宰春、羅少宰欽順、凡甄別優劣。皆從公言。三載績最。覃思考覈。
遂實授。尋祭掃南歸。辛巳陞浙江提學副使。施教校文必參檢敦行力學者
爲上。穎悟淹實言行慎者次之。揀撻譴蕩者。文雖工必黜。自是浙士斐然嚮
風。刻公存養諸稿以傳。大比力止續考。且沮權貴子入試。何巡按鐵始憾終
悟。乃特薦之。癸未陞廣西右參政。單車深入洛。容諭降賊帥羅朝墮等千餘
人。陷賊者來歸如市。尋調兵扼險。攻柳州。島平之穿山峽。賊皆喙息。時貴
縣多虎患。父老遮道泣懇。公爲告山神。蒐獲六虎。餘悉遠遁。其患遂息。會

鍾

筠

溪

集

督府盛中不應期召議軍事。公留若梧。而姚公鏐代至益重公。雕勦六青諸
 峒。招降賀縣思柳等寨。皆公策也。乙酉提調鄉試。裁定錄文。畢收名士。屬
 入覲。有多緇門隸爲奸吏者。參治如法而後行。丁亥討田州叛賊岑猛。公檄
 數其罪惡。而留梧調度兵餉相機策應。迄成威猛之功。捷聞。有白金文綺
 之賜。迨凱旋。湖兵不戢。公諭禁以長柄大牌。梧民賴以安堵。時平樂賊畏
 威感境。東掠肇慶告急督府以兵屬。公乃選精銳順流急擊。復邀其歸路。大
 敗之。俘敵無算。捷聞。有銀牌綠幣之賜。潯州斷藤峽賊。時出掠。公以奇
 兵誘之。群酋請通峽。督府檄公募舟數千通焉。於是酋有敗杉木於梧市者。
 謂亘古所無也。猛賊既平。餘孽盧蘇等復叛。公請如原議撫定。主者不從。
 師久無功。上命新建伯王公守仁總制徂征。公言善後之策。當分置土官。
 王公聽從其言。果不勞而定。於是撫按屢薦戊子陞江西右布政使。提調鄉
 試。譽髦多人穀者。尋入覲京師。無所饋遺。人亦諒公廉約還任掌司事。凡
 藩祿軍需之難處者。每經原畫。悉得大體。擒治奸吏豪民不過三四輩。而

鍾 筠 溪 集

闕省肅然大治。撫按復交薦之。庚寅陞南京大常寺卿。辛卯春大臣奉命來行祭告禮欲比正祭。公疏言告祭主於誠。不在備物。禮當與正祭異。惟用脯醢酒果。上從之。著爲令。尋擢國學。講論經義。求諸身心。胄子莫不感動。十一月疏乞休不允。壬辰陞南京兵部右侍郎。與參贊王公廷相。協恭革弊。如馬快船舊累戎伍。設法以蘇其困。操船者必稽役以給其餉。諸凡稅竈。爲之頓清。八月疏乞休不允。癸巳改戶部右侍郎。奉敕總督太倉。尋以考察自陳。乞休不允。與許司徒讀經略邊。儒以紓民力。復查舊規。嚴限以警滯滯之頑。散餘米給軍。以免鬻船之患。於是漕政大舉。八月東宮誕生。馳恩二代。庶孫倬入監讀書。會大同軍亂殺主將。公上疏請止誅叛逆。招降其脅從者。大興當路許。其後上悟。改敕竣事。一如公言。甲午二月考滿。奉旨復職。七月南京太廟災。公疏言修省。以回天變。言甚剴切。且乞休益力。上重違公請。准致仕。中途聞繼母喪。兼程奔還。家居十餘年。未嘗一至城府。惟以書史自娛。有干以私者。謝曰。吾守志猶廢婦。豈以晚而改節。即

鍾

筠

溪

集

甲辰十一月十七日薨於家。距生成化丙申年二月二十二日。享年六十有九。配王氏封淑人。子男二。長允謙。己丑進士。累官知福州府。次允直。壬午鄉進士。早卒。女二。長適張進士子穀。次適邱文莊公會孫所。孫男二。曰偉。曰儲。女一。適郡庠生岑昇。公所著易學疑義。春秋集要。及詩文集各若干卷。其爲文雄渾精深。氣隨理昌。論以程朱爲宗。嘗與予言性根諸心。非學弗培。故道問學即所以尊德性。非有二也。又謂存養兼動靜。非端默靜坐之謂。知行本自合一。知以利行。行以踐知。理無內外心。亦無內外也。其爲學博極而精。雖律歷醫卜之書。靡不通貫。然皆取衷於正理。至論郊祀之禮。惟主合祀。力辨漢儒禘郊之非。深得坤道承天之義。會上建南北郊。具奏格不果行。深以爲恨。論樂初以陳鳴去四清爲是。聞予言夷則以下四均。舍是則迭相陵而不調。即幡然肯從。其慮受類此。晚年卜築於瓊。名其居曰對齋。義取對越上帝。謂事道即事天也。其用功益密。所造益深矣。公性簡重。寡嗜慾。事繼母至孝。兄蘇弟英蚤夭。禮恤嫠嫠。俾守貞得所。人

鍾

以爲難。計偕北行時。同年邵銓病危。公留療治。雖試期已逼。弗顧也。其行誼類此。真可謂能踐其知者矣。福州君將以某年月日葬公於某原。號發苦塊。使孫倬遠來述銘。予生也晚。辱公道誼。切嗣最重。蓋知公莫予過者。其可辭乎。銘曰。

銘

鍾易而黃。公復厥初。賴徙而瓊。公康厥居。公之積學。實培厥性。亦復而康。天乃終定。積小高大。仕猶學然。翔乎天庭。肇自左遷。洋洋文教。赫赫武備。遂陟奉常。以至勳貳。始終一德。知則必行。醇哉鉅儒。可式後生。

溪

集

鍾 筠 溪 集

碑

十二

鍾 筠 溪 集

記

瓊州府學科目題名記

平黎碑記

王公生祠記

大明平黎碑記

文

憫羣黎文

傳

萬州烈婦史氏傳

詩

贈周廷重先生

目錄

鍾 筠 溪 集

珠璣

萬瓊崖

珠崖雜興

萬仞泉

景賢祠祀縣邱二公

有客二首

中孚徵應

和顧兵變

松壑爲范邦秀作

春日

明粉漬酒亦一奇趣

琪樹

越中同方憲副思道會合聯句

鍾 筠 溪 集

舟中有感

有感

贈鄭方伯

村居述所見

移柏行

和王司馬浚川韻奉寄

客江遇吳太僕人豪過話

味江

題九思圖燕湖沈姓者繪圖爲九薦

同年飲呂涇野宅詠柑分韻得三字

哭邵均衡

寄友

哭邵端峯

目錄

鍾 鎬 溪 集

目錄

珠崖雜咏次韻

丹陽來尹送至呂城惜別

余吏部謫瓊僑寓蒼梧次謝大巡韻

借山亭

和思抑韻

和梁武選叔永韻

渡海和韻

再次李蒲丁韻

和陳天游兆韻

鰲山

十八灘

月

詠秋桂二絕

鍾 筠 溪 集

薔薇

偶咏

馬鞍山二首

園亭雜詠

卓

目覺

鍾 筠 溪 集

目錄

六

瓊州府學科目題名記

瓊島越自海北。突爲中阜。派分支衍。爲瓊海郡邑。形勢所屈。靈秀攸萃。其業儒挺拔而出。率皆中士衣冠之裔。先世轉徙。流風存焉。然自唐以前。學校之政未立。造士之方多闕。雖有魁奇忠信之質。亦無以自見。昔人謂陽德炳耀。獨發於嶺南。瓊地雖僻。鍾乎人。豈其然哉。宋興始建學校。間雖一二顯自科第。然皆江左南安之後。觀宦涉以收士心。非合鑒於天下而角之者也。洪武十七年甲子初。入午會十一選。陽德昌融之候。而瓊士捷京闕。登會選者。繩繩有人。合南北之士。褒然與之頡頏。無少貶焉。自是而位省部躋臺閣。瓊之名與曲江北陸。並非偶然之故矣。故亭題名有記瓊闕焉。嘉靖丁亥。郡守林侯有祿。洎府事。悉心民隱。政教以飾。思風士類。以敦化原。乃設諸李貳守。張判府。第次國初。迨今鄉會所薦若干人。勒名郡學。白於兵憲歐寧范公。遣教授李章馬芳記。夫人才與治化相因。治化隆而後賢才出。其出也循乎遠地。而後見其盛。瓊去京師萬餘里。至遠也。滴瀝

鍾

聖化。百六十餘年於茲。至深也。而材產於瓊者。日益蕃焉。遠而不遺於時。其賢可知也。卽瓊以占天下之才。其盛可知也。因吾瓊之所就。而徵帝化之敷延。遠且洽焉。其隆又可知也。書曰萬邦黎獻。共爲帝臣。夫惟盡萬邦之賢而臣之。此堯德所以光天下也。而科目所取。乃盡乎海表而無遺焉。此我朝廷之德。所以光於堯而無間也。雖然。士之由乎是者。名也非實也。實勝矣。雖匪科第。人猶榮之。徒名而實驟。人將指而訾之。恨其名之不早泯也。傳曰。官先事。士先志。夫莫非事也。而志無不貫焉。志以立事。事以顯志。實勝而名稱矣。上之人固以此待士。而士之所自待。以取信於上者。其在茲哉。貞珉既揭。規監具在。吾侯風厲鼓舞之意微矣。

筠

溪

集

平黎碑記

漢史稱珠崖郡爲州。曰瓊崖儋萬。州聯屬邑。環列海濱。而羣黎窟乎其中。世爲民患。崖陵尤甚。哨官死難者數人。然陵隸萬而崖南極。民憚遠不能翹。雖慫不能達。其來久矣。嘉靖丁酉。平州蔡公。奉天子命。提督兩廣軍務。

鍾

鎬

溪

集

蕩鎮未幾。百務具新。威武不振。初試而龍祥定。再試而昭平戢。三征而藤寇屏跡。四伐而南交伏辜。莫敢違命。遠民知公可仗。逾海羣訴於鎮。公悼勦焉。乃奏用閑往參將程君鑒。起之散地。而復其故秩。畀之兵柄。以急拯陵難。崖民老幼數千遮道哭迎。請移兵先之。程乃躬擐甲冑。與士卒冒霧露。伏榛莽。首擢賊銳。屢獻奇捷。公喜動顏色。奏陞左參將奉勅開府於崖。崖於是。有參將府。從民願也。崖黎最大者曰羅活。萬陵昌感諸黎。倚爲聲援。程又多設間牒。圖山川險夷曲折以獻。曰寇衆且強。非翦寇無以戢民。非西廣目兵無以挫敵。公如其請。奏調目兵八萬。合漢達官軍土獍敢死士十數萬人征之。檄程統中哨。田州歸順南丹向武湖開上林忠州果化目兵隸焉。萬分左右哨。泗城鎮安東蘭那地安隆思明江州龍英武靖奉議都康歸德太平萬承上思目兵隸焉。中哨監督則左參政張君岳。總理糧餉則右參政周君禪。監左右哨則兵憲陳君茂義。僉憲商君大節。往崖紀功則僉憲趙君維而參將董君廷玉都指揮武君鸞則分任統督皆公精擇以充。辛丑九月朔。公

鍾

鎬

溪

集

及總兵安遠侯柳公按節雷陽。以便指畫。丙申諸哨並進。晉獻戎捷。惟郎柳二哨。負險固與王面抗。公乃欲中右哨。分兵合擊。以參將劉君經督銳兵乘之。尋皆破滅。斯舉也。秋禾蔽野。因糧于敵。天時順。人事豫。兵力勤。而羣策協。蓋天厭夷虜。非偶術者。自進兵至。振旅僅兩月餘。捷奏。聖心嘉悅。頒賞增祿有差。公歸兵部尚書。晉益加故。餘行巡撫按廣東監察御史嚴實以聞。惟是四州諸黎。自土批殺荆楚。不啻王化。蓋三苗之別裔。其俗操弓鋸。逐鹿鹿。文身披髮。吾人爲敵。雖父母昆弟。間反而所殘無忌。宏治以前。每調僑黎征欽廉道遠。遂致怠輕我軍。桀驁以叛。而卒平之者。伏羌伯毛公也。惟崖自洪武迄今七年。未經兵革。稔禍亂以至此極。而卒平之者。安遠侯寶公也。仰惟我聖天子仁覆海宇。明哲任賢。於凡公之所建白。輒奏欽允。故能左右我師。所向如志。脫或微有挫遏。動失機宜。豈能徒手建事乎。是善用群策。則公之功而率成其用者。天子之功也。於時前太守趙君昊。今太守張君諱。皆以清節敷政。兆庶攸賴。知萬州黎君異。每斬獲必當

其罪。而始終懷柔。具有可述。崖則邵君濬排亢斥強介然自清。凡在鈴轄。罔不仰承休謨。恪遵矩度。而羣黎寢寢有感化之機矣。然夷性畏威不懷德。前元雖能戡黎。所至刻石。而不能圖遠。尋輒委棄。況戎獍之兵。番休無常。適以長亂。我太祖皇帝洞鑒禍原。始設沿海衛所。使兵威以宣政理。而將士來自中土。與民雜居。久之語言習俗。詩書禮讓之風。漸摩屈乎窮絕。而科第與中州等。乃知聖神不言之化。卓冠萬古。不易測者矣。公初意欲於羅活別營參將府分兵屯田。廣儲蓄。興文教。以變夷俗。兵憲陳君毅然任之。爲千百世久安之圖。參政張君。已建社學。擇師訓蒙。易巾服。習書儀。化有漸矣。而議者謂武貴兼制。勤遠則遺邇。海寇萬一乘風突至。擾我疆場。最爾孤城。如岌岌何。事遂寢。而公經遠之畧。未盡如志焉。崖之士者。黎宗賢。王鳳岐趙文憲蕭成余繼舉數十人。僉以碑銘請。某按事關公評。傳信罔極。詎敢贅談一辭。力疾據實通紀。銘曰維霍亭靈。五嶺是宗。南逾漲海。突爲五峯。郡邑外羅。黎黎中窟。魚肉我民。爲鬼爲域。民有族屬。亦有妻孥。磔

若大彘。掠則僕奴。寇橫逼城。迭喪武帛。命且日危。耕牧何有。公銜帝命。總此荒服。盡然悼傷。哀此慘毒。有赫斯怒。矢於天廷。遷任宿將。哀雄聚斂。爰暨安遠。雷陽胥會。叱咤後先。霆驅風簪。風霆所向。敢撓者誰。嗟彼頑冥。黷蛙恣睢。自蹈陷阱。如魚在奎。神怒天譴。匪我之故。捷書上聞。天顏騰喜。褒賞酬庸。賚以蕃祉。醴醖宣奏。國典有常。帝曰勿宣。朕心惻傷。義以取殘。仁以覆育。乾運坤承。八荒一掬。公更圖遠。化浹威行。仰欽帝德。耻言戍兵。兵屯已矣。宏猷認認。脫之焚斂。息爾生齒。齒息以蕃。蕩息紀綱。將臺桓桓。鎮定孔良。鰲力通貢。復迺疆畝。稽首對揚。天子萬壽。不震而威。不刑而革。鑄在貞石。以詔亡極。

王公生祠記

崖州之黎其村名千家者。數倡寇掠。成化乙未憲副涂公榮。一嘗晨之。至宏治數十年間。恣橫極矣。正德丁卯憲副王公按節於瓊。詢知曲折密勸儔昌崖土兵之長及軍將正副。胥以兵從。曰視吾轡所之。迺三月甲子。次崖之西

里崖人未及知。則已揮兵突掩賊巢。公親提軍蹙之。賊倉卒奔竄。莫敢爲角。乃焚聚落夷藩限。賊既失備時。日益困憊。而旁峒懾威。相懲讎係。來者日屬。公知賊大創。始令撫定之。於是靈崖之封內出入者。各屏弓矢。牧畜恣於野。商旅歌於途。墾田盡於荒萊。貿易通於深谷。兵往返僅數日。曾不遺寸鐵。而郡寇帖然底定。誠亦奇矣。

大明平黎碑記

嘉靖十四年

瑤黎深處巖穴。老死不知官府之事。兵革之威。隱然太古風致。其稍外屬。距民村百里許。乃有仇暴。每羣飲半酣。操弓鋸。緣林莽出掠。歸則椎牛醕酒。以詔於衆。然善者恒十之七八。不盡然也。瓊山之沙灣。居林等峒。初暴時。猶有所憚。主者莫詰。賊寢以肆。乃設營兵。恐其歲久益玩。嘉靖甲午春三月。渠酋黎佛二。糾賊夜劫營。殺擄士衆。死典吏一。擄千百戶各一。事聞敕總督都御史陶公諧。總兵戚寧伯仇公鸞。會巡按監察御史戴公璟。檄諸司勦處諸軍。因欲肆征。郡守蕭侯晚曰。余今日之策三。據擄係。誅渠魁。威

鍾 筠 溪 集

群醜。閔一不可。夫寇犬豕爾。緩之則搏噬。急之則鼠竄。則搗者先死。辜將焉贖。今聞兵且合。寇有畏心。因其畏而誘之可圖也。乃令經歷顏吉。縣丞高明。督土舍許承宣。招降旁酋。出搗者皆至。有語其誘者。侯弗聽。厚賞授以方畧。俾誘渠酋。設伏擒之。衆大悅。或謂二策已得其二。餘可撫定。曰。調集惟境兵。道險功不可期。已之便分。巡兵憲游公理不可。曰。此賊視強弱爲叛服。其敢爾無忌。正惟狃我以至是也。而又口喝以去彼。滋易予蹂之。猶愈乎已。乃協分守少參陳公端甫。督指揮王守臣等。以是年秋七月分哨抵巢。賊皆遁。莫敢抗。則焚聚落。奪穀畜。屯兵搜捕。再閱月。賊食竭。多死者。時霖潦汎溢。我軍亦疾疫。乃下撫令。羣黎聞者。歎聲震谷。願丁輸升量。推欺効順。九月撤兵。功不滿百。衆少之。然黎自是懾恐。顛掉聽約束。不敢竄出。出則變夷服。爲民裝。不敢挾弓矢。各操奇慮。趁墟市。與民相維。徙者復故。蕪者闢舊戍。撤其連壁。榛莽化爲村聚。開國以來未有也。教授鄧朝。教諭楊鸞等。謂不可無紀。率兩學生李充。海盛。林呆等。函以請

予。予昔忝參廣西政。每憶多殺。不能已亂。徒以長亂。大兵未集。賊覺先去。功無所成。獲則屠良以取盈。有因一夫殺一村。或無因而盡殺之者。捷奏未幾。怨仇並作。而吾民橫罹其害。此其勢相激使然。雖知其慘。且稔亂。弗暇恤也。今天子仁聖。不喜邊功。臣子仰承休德懷。乃征伐風聲鼓動。諸夷歸命。蓋斷以必懲則知懼。兵不濫及則知勸。是以事省而不費。威伸而不驕。而大受其益。斯正吾皇神化莫測之妙。而願欲上首功以自多。曾未知無功之功。加於有功數倍者矣。昔憲副王公倬以土兵襲崖之千家。僅戮二人。而靖謐十餘年。崖民尸而視之。芳爲之記。乃事足相方得效尤偉兵憲願公可久。又加意緝而熙之。而林節推庭檣恭翌。後先咸以綏和宏化爲急。行將盡被華風。晉漸而安且久矣。奚翅十數年靖謐焉耳哉。用是勒石學宮。以信永世。且昭公議。靡所阿比云。

憫羣黎文

予觀黎黎之俗。而思人生之始。與禽獸無異。聖人繼作。然後生民之道立

焉。瓊之黎去中土遠。其俗去禽獸無幾矣。裸體袒面。言語侏儻。無冠履衣裳之制。既惟禮義不知。亦或不知有郡邑也。況知郡邑之上有藩臬。有朝廷之尊乎。然其重契箭謹信約。毫髮不爽。怒或叛其父。而於母也至死不懈。屠牛而祀天。呾呾吁吁。皆鹿豕趨。棲居蓬處。偶野而腐葬。其敦樸淳龐之風固在也。其太古之民乎。使得雷聖人之化以漸之。則不日而變矣。鳥獸之聚也。其中必有敗類者焉。於其敗類者。奮牙爪而與之角。其恆性也。角之不勝。則委而從之。非得已也。而不知者遂欲盡櫛其類。亦忍矣。彼黔_{指土}愚群狙而弄之掌股之上。顛倒而左右之。以厚其黨。是長蠹而盡蠹也。類滋敗哉。況夫聖治隆昌。氣化日南。瓊海四面。皆華風矣。中間墨子之地。頗獨後乎。董之以威。裁之以權。睽而撈之。漸而柔之。申畫封疆時經理之無逸。渠魁無上首功。舍舊圖新。會於大同。斯善變者也。

萬州烈婦史氏傳

烈婦史氏。郡學生張鵬翼妻也。世居萬之朝陽。四歲喪父。貧薄。母郭鞠之。

賢兄三人。兒時不苟言笑。稍長益敕。居廨舍。不出園闔。雖鄰翁亦不識面。年十七適鵬翼。翼亦早孤。姑魏苦節。史每奇之。謹績紡佐夫養姑。嘉靖十二年。巡撫陶公。設額表書院簡士就業。翼謀諸姑。姑曰美事也。期不可失。乃偕黃生希憲從陵水學諭張君檄至梧山受業。數月翼病卒。訃至。史哀絕復甦。三日水穀不入口。潛自引決。姑救不死。慰曰。兒死命也。若年二十有二猶可改圖。否則守義以終。固爾能事。死無益也。史不答。旣而曰。自古稱節婦之難。誠豈無若人哉。嗟彼白璧。青蠅玷之。不玷者罕矣。今叔鴻漸已長。姑幸有托。庸能保我終耶。吾明吾心焉耳。極至遂自縊。聞者大駭赴白那。郡申府道督學總司撫按諸公愕然。以爲額表異事。聞於朝。禮部覆覈。旌典行焉。例給白金五十兩。巡撫錢公增加以示優崇。郡父老謀議郡東廟地二畝奇葬而祠之。僉曰。諾。初成贊咏叢集傳曰。於柏舟見匹婦執志之不可奪。若史者可與共姜匹休矣。雖然。此乃卓行而共姜守義者也。今制二者。皆旌表復其家。而守義限年。卓行不可以年限。是守義者常道。而卓

鍾 筠 溪 集

行者奇節也。奇節不以爲調。而上下交與之謂。能從一以終。儼慨徇義。而不辱其身。妻道也。臣道也。其關世道也大矣。彼誦詩書。口周孔。稱偉丈夫者。乃或營營側媚。忍詬屈辱。喪其守如長樂之觀。然無恥也。曾是謂婦人若哉。鍾子贊曰。婦德惟陰。厥象月魄。西宮東轍。胸臆兩肱。貞一乃吉。二三則凶。彼懿者子。珪璋內融。佳偶載合。彤建影附。嗟命不猶。斷喪中路。兩壻永矢。死生以之。玉碎日甘。瓦全弗爲。慨茲幽荒。渺然蟻垤。爰千百祀。見子貞儼。質爲秀毓。性自天成。帝化覃洽。於焉有徵。徵在表彰。煥爛交與。樹之風聲。榮臨鼎鑪。鼎鑪之榮。朝露易晞。義聞宣昭。邱山崇嶺。聖謨凜然。天經人紀。採汝賢義。敬告君子。

贈周廷重先生

當年旅食長安道。與君聯舍通懷抱。禮闈春榜未知名。君爲靈龜卜祥兆。桃花浪暖披春風。果然應兆騰雙龍。何如一龍遠仙逝。攀留莫及號孤蓬。幸哉君侯重氣義。飲含欽觀皆如制。

平仲卒于京
君爲續飲

古人生死見交情。死者復生生不

愧。拜官分理桂林刑。贈言我亦送遠行。三年遷擢武昌判。武昌山水增高清。幡然忽墜思鄉淚。不待蒼顏經歸轡。柳葉榕陰午睡濃。黃鸝紫燕春遊媚。轉瞬於今三十年。相逢雪鬢垂霜髻。踟躕促席談故舊。失聲大半歸黃泉。且言宅里連遭水。贈言已逐魚千里。我歸索稿亦已忘。重構自傷衰甚矣。金銷石泐尙有時。么麼得喪奚足異。細研龍尾濡紫烟。淨掃溪籐爲君記。

珠崖

前代珠崖郡。於今少竄臣。山橫天有障。地盡海無垠。異種三生穀。殊言五等人。淳風傳古昔。力作自相親。

寓瓊臺

寒嶺深冬始覺均。海天風候異常倫。客緣幽暇頻留醉。天爲遐荒倍惜春。

詩

詩

二六

潮落魚龍歸舊窟。雨餘花柳試新痕。長安北望爭何許。紅日光茫麗五雲。

珠崖雜興

抱郭名峰面面奇。海風吹水碧參差。千村並育方隅靜。四季長春草木知。地盡波濤分造化。俗殊言語雜侏儻。釣鼈誰似唐遷客。同賦登高望闕詩。

汗漫波濤限一州。濃冬天氣似深秋。島雲盡掃月平檻。羌笛一吹風滿樓。山下小園收吉貝。屋邊深樹叫鉤輅。青青草木經年秀。剛觸愁人早白頭。

萬仞泉

鷗味高鶩吸曉虹。却憐孤絕自爲宗。輿圖垂盡地千里。峰勢半開波萬重。華夏封疆分徼外。斗牛光燄直天中。似嫌涓滴分流細。獨向重離閣會同。

景賢祠祀蘇邱二公

一鳳南飛一北翔。海天異代接孤芳。胸吞雲夢波濤闊。文演絲綸日月光。累帙有謨擲悃赤。一生多口任雌黃。楚材入晉還名世。不道天涯異品量。

有客二首

有客湘江來。惠我羅文箋。得之亦何用。爲寫雲錦篇。上陳皇王謨。昭晰星日懸。下陳周孔教。聖圖探微玄。世遠歎多岐。若往迷秦燕。逸駕杳莫攀。長吁答無言。

修辭貴適用。豈謂爭纖妍。意逐神乃疲。玄珠甘棄捐。卓哉無極翁。妙契追古賢。圖書發精蘊。一洗俗學偏。年來三百載。灰燼不復然。末流枝葉繁。高處入空禪。憐予竟何歸。默坐思惘然。

中孚徵應久旱汪侍御翰因雨

災沴及盛擾。由來勢相依。旱暵徧海宇。近郊多虎羆。桓桓驄馬來。拯溺如調飢。圓扉雪窈滯。冥冥監在茲。炯炯一寸丹。化作雲雷馳。昭象妙孚感。風行澤涵滋。星輅布皇仁。信知甘雨隨。天心在咫尺。豈必焚庭羸。林垞忽生色。青青遍郊圻。

集

詩

溪

筠

詩

二七

鐵冠何處。下賁桂江曲。桂江潄清湍。一雨萬戶定。萬戶悅以嬉。原田正
每每。誰知諷翰地。解此旱魃災。玄虛浩無垠。仁風披草萊。體言使君至。能
使大心回。陰陽開闢間。感應還相推。中屬匪黨孽。伊嚆探幾微。江水去悠
悠。歸旆不可羈。公歸定何所。爲霖雨天下。

我感中孚象。合虛剛得中。惟虛故無物。一貞內斯融。無物易爲感。貞孚格
蒼穹。矧時猛狩間。累俘多顯蒙。匪緣緩以詳。案牘藏戈種。卓哉斧使。靈
府春溶溶。群刑妙易理。推誠徹群衷。上順下乃悅。信達幽能通。焦境沃膏
澤。屯圉迴亨豐。茂茂隴上苗。幸茲慰三農。

和顧兵憲

洞陽

滄溟浩無垠。行者神爲傷。君航亦何捷。來往如鸞翔。果符臨別言。恬波靜
不揚。雙龍護舟楫。鰐鯨伏以降。茲游信奇絕。遙憶坡翁章。上下混一色。一
瞬連八荒。願從天遊子。倒景凌玄蒼。

集

詩

溪

鎬

松壑爲范邦秀作

希寶不市售。美材垣在幽。瀟瀟萬壑間。行辟無廻驂。長松庇茅茨。枝柯鬱相樛。縈牽遠藤蔓。永謝依附柔。靈液滲九泉。化爲琳與球。實蕃聲乃宏。十里風颼颼。時當春華敷。脩與凡木侔。霜零衆芳萎。勃勃凌高秋。涼煥靡常期。堅脆亦異流。范子冰蘖姿。自況信有由。於中有深契。此意非外求。願言永盟好。相依作良逌。

春日

鳥蟾無停機。影忽孟陽暮。開軒一延佇。百感榮懷慄。野景萃飛鳴。芳葩炫紅素。裊裊池邊柳。墜絮已無數。物變固以漸。彈指新成故。悠悠復悠悠。意逐溪雲度。

明粉漬酒亦一奇趣 實昌淮安太守

一別十數載。幸此重盞簪。綢繆話新故。倏忽羅殺殫。釀瀉眞液酒。至味清

詩

筠

溪

詩

集

且醇。飲少得趣多。雙頰動微噓。更搗玄明膏。水晶混金盃。九轉自丹鼎。寒色凌瑰玖。刀圭一下嚙。毛骨灑煩紛。主人爲我言。此藥良足珍。生平少仙骨。不得露牙齦。我聞仰天笑。方術休任眞。煉精與服氣。信之多誤人。況非金鐵姿。硝石耗元神。我有延齡丹。玉帝指授親。貯之空洞間。煖煖妙無垠。升降水火精。旋幹天地根。安期本虛名。偃佺非等倫。憑君話不盡。杉楓送餘噓。

琪樹

琪樹多玄圃。枝葉何蒙茸。一鳥巢其頭。修翰美春風。一鳥飛且鳴。清音協絲桐。栖遲偶相值。何心競雌雄。天明各分飛。冥冥任西東。

越中同方憲副思道會合聯句

山中念雜索。秦幽思託賓鴻。樽俎幸茲合。芳廣樹歌春風。槍陰轉斜日。秦重疊交房櫳。小鳥呶嘯鳴。芳託之情亦融。人物並和洽。秦矧此時序豐。

筠

溪

詩

集

玄談謝俗況。芳疑誼開我蒙。惜昔見君子。豪曲江水溶溶。瑤池共霜月。芳豈不懷愚忠。中間人事異。豪畏途各飄蓬。荏苒餘一紀。芳此酒何能同。去年發東服。豪期我吳山中。乘輅阻越水。芳佇望江雲重。終焉結佳晤。豪情曲潛孚通。微酣坐遲暮。芳海月。明林東豪。

舟中有感

射干生高山。下臨百仞淵。植根得所託。願居松柏顛。猗蘭生下澤。濯濯含秋妍。羣僮入素手。不同腐草捐。居潛貴自植。撫運須騰鶩。時哉信所遇。榮悴何足言。

有感

洪鐘在靈簷。不起寸莖音。彌弩聞機張。不射低飛禽。至寶豈外求。內照還自珍。寧爲秋江波。無人測淵深。焉能喜沾沾。易盈若蹄涔。策杖倚天立。磊然動孤陰。

詩

贈鄭方伯名錫閩人

纔聞使君來。忽見使君歸。薇垣三月席未煖。扁舟又覓桃花溪。宦途汗漫靡
終極。鐘鳴漏盡行俱迷。君投歸疏脫世網。從此不受樊籠羈。生平清操老更
厲。長松偃蹇凌霜威。兼金臨別有常贈。形之公牘無慙詞。歸囊峻却匪沽
激。不忍素質淪於緇。始知琴鶴非浪語。古人今人堪等夷。惠風吹衣百鳥
噪。蔕粉正膩黃鸝肥。君還舊墅且行樂。俯仰何愧天人知。寸陰曾聞當尺
璧。晚景餘陰尤可惜。霜髯鬢髮照瑤卮。莫遣分陰竟虛擲。

朔風吹雪霑客衣。雪花落地還成泥。儵然一片下瑤宇。森森萬象含春姿。龍
蛇入蟄鬼魅伏。玉樓十二光差差。使君對此有深契。清標素質相因依。樽軒
隨處破湮鬱。五嶺瘴烟寒不飛。豈云惠澤潤九重。瀾漫殆遍天之陲。東藩浩
瀕引滄海。天目從龍銀河低。憑君一往灑餘瀝。爽氣瑟瑟連郊圻。男兒胸次
固塊塢。孰委瓊瓊玖甘脂章。津頭舉棹發孤嘯。相看野色雙鳥啼。

村居述所見

龍丘居士食脫粟。新搆疏茅數間屋。飄風一夜吹梅立。滿床濕漏瀉管簪。篝燈起坐掩荆扉。獨卷衿裾不成宿。俄然雷奮千山裂。東鄰牆傾棟摧折。男啼女哭無宿處。來傍低簷話愁絕。話愁絕。其奈何。人生樂少愁何多。陰晴互變若反掌。何用愁緒空煎磨。惡鴉不作豪袂歎。捉衾豈厭清商歌。君來依我失所庇。我如杖杜無蕃柯。爲君起歌君擊筑。鳴蜩唧唧殘更促。暫時欸語却相投。踟躕共待東方白。

移柏行

岑甥惠我雙盆柏。睡起凭軒愛如玉。海涯何處得此種。椰根椰葉總粗俗。乘春吐茁纔尺餘。已覺蒼然類耆宿。顧茲盆盎無多地。植茲大材受局促。風霜歷年幾何許。枝條不展根拳曲。歲當丁酉斗指辰。丘園久涸逢甘霖。呼童剖盆留宿土。移向庭階青可入。宛如開籠放雛鳥。舒翰振迅騰霜爪。又如困鱗

詩

三四

脫羈罟。洋洋鼓鼉游湖沼。乾坤造物此足窺。遇與不遇惟其時。得時拱把迄暢達。失時合抱成枯萎。我今作歌與儻約。灌培愛護休摧移。天如假我十數年。見汝昂霄聳邱壑。

和王司馬浚川韻奉寄

向奉別蒙憲催製、續得少宰甬川公詩、皆忽忽失和、珍藏書篋中、茲小兒行迫作書欲奉謝人夜檢獲追次霜韻求教、

我昔漫游天帝都。一柯敢謂安邱隅。爲輪爲彈信所遇。時人却笑非善圖。浚川海內和名久。甬川英風互先後。我如小鳥無高翔。出谷嚶嚶在求友。幾回和月拜楓宸。長安紫柏飛霜輪。一朝解組向林樾。仙凡誰謂分天人。踟躕饒贈情何極。瑤篇綺句鏤金石。歸懸古壁隱蒼龍。伴我行吟共棲息。鷗沙坐占豈傷廉。從前汗漫成虛淹。迴瞻何啻九萬里。五雲喬嶽森巖巖。

客江遇吳太僕人豪過話

筠

邂逅逢知己。新涼得雨時。舟輕弦易側。蓬漏座頻移。糗脂行耐味。榕梧在處詩。日曠遲解纜。各語寄所知。

味江

杜主政號味江

溪

脉脉觀瀾處。滔滔意與長。溶來源自溶。不息用金剛。澤潏堪與潤。淵涵神智藏。會歸連萬派。東去沃扶桑。

題九思圖黨湖沈姓者繪圖爲九鷺

詩

瞻彼西雛鳥。因之寄聖猷。丹青傳妙手。羽翮見清修。致一斯通聖。傷多實亂謀。無爲浪馳騁。天壤失歸投。

集

同年飲呂涇野宅詠柑分韻得三字

澗齒霜梨脆。過於玉版參。多君無限意。更出一株柑。賓主高吟七。冰霜益友三。對渠還共慰。孤操卓煙嵐。

詩

三五

詩

三六

哭邵均衡

金臺梅落後。分手向來賓。孤邸思君苦。雙函寄客頻。官卑名未減。行潔志堪伸。何意龍蛇歲。長徂不及新。

寄友

江漢雙魚斷。乾坤一氣交。宦成翻作累。行立易生嘲。詩思愁邊杳。歸魂夢後消。河橋楊柳色。底用鬧春饒。

哭邵端峯

太僕

直木無曲影。亨嗟信所如。鍾聯欣茹拔。僕正陋臣諛。浪跡南仍北。潛機哲亦愚。人禽俱泯泯。老淚濕霜鬚。

珠崖雜咏次韻

鵬化圖南地。何須問北溟。倚樓觀海立。閉戶放雲行。俗混鷗堪狎。機亡虎可掇。浮生本無繫。泉石有餘情。

丹陽來尹送至呂城惜別

感舊今如昔。那堪會復離。連舟忘坐久。燃燭愛歸遲。廿載江湖夢。寸心天地知。多君無限意。星月共清漪。

余吏部謫瓊僑寓蒼梧次謝大巡韻

身世升沈信所遭。立朝危論屬賢豪。波瀾正藉千鈞力。鳳去還修五色毛。到海豈能忘魏闕。吊湘聊自托離騷。名傳吏部潮陽舊。天柱同撐碧漢高。

借山亭

吳太常

借山學士聖能詩。滾滾波濤入妙詞。花外蝶魂迷客主。苑邊蛙火雜官私。流雲去宿青溪曲。過鳥來依碧樹枝。假許何曾輸鄭璧。對渠清賞莫停卮。

和思抑韻

剛腸不受百柔牽。今古興亡手自編。洗髓元無丹灶術。照書舊有杖藜烟。醉依北斗皇風闊。坦向東溟腹笥便。萬事只堪供一噓。不須搔首問蒼天。

詩

和梁武選叔永韻

細推物理溯源頭。孟浪浮名只自由。春色未闌還共賞。蛾眉今老不須修。雲依芳樹元非定。鶯囀新聲或似求。獨掩書齋坐昏暮。不知寒雨漲江流。

渡海和韻

長年艤棹僕夫催。報道祥風習習來。地脉不緣滄海斷。蜃樓端爲使君開。舟泉從織女機邊過。人自蓬萊鶴背回。萬頃玻璃天混漾。固應坡老羨奇哉。

再次李蒲汀韻

三年往返兩都間。每愛投閒竟得閒。松菊未應荒舊圃。鸛鷺久矣愧仙班。清靜瀟溪邊石。碧落孤撐海上山。到處行吟足爲樂。漫將詩史自褒刪。

和陳天游京兆韻

敝裘游倦早歸來。十畝舊甌翳草萊。紫府再瞻皆是幻。丹心一寸已成灰。多

君遣珮完騰戶。躍我巡簷笑索梅。擬共浮丘歌一曲。海雲片片萬山同。浮丘南北天游與鄧伏泉庄相對

鰲山

崖州之南山也。高峻爲崖之案。突立海濱。蓋瓊之此山至是極矣。

鷗珠高響吸曉虹。却憐孤絕自爲宗。輿圖垂盡地千里。峯勢半開波萬重。華夏封疆分徼外。斗牛光燄直天中。似嫌川瀆涓流細。獨嚮重離閭會同。

十八灘

下灘若轉丸。上灘若移石。雖易繫所乘。未論運與疾。

月

娟娟月色麗青冥。光正生時蠶已生。不爲年年養蠶魄。玉輪應是十分明。

詠秋桂二絕

招搖指西蟾峰收。淡白輕紅壓衆柔。一種清芬伴明月。莫言生處是南州。
練服緇裙照翠帷。群天不敢闌芳菲。却嫌梅菊爭顏色。先向秋霜冽處開。

詩

薔薇

庭院沉沉醉絳霞。酡顏閑倚翠屏斜。開時莫恨春光暮。接續春光。是此花。

偶咏

木公金丹自神靈。辟穀延年。混有名。任是煉教形似鶴。也須隨化入冥冥。

馬鞍山二首

東皇轍跡遍塵寰。南顧崧嶺一解顏。八駿如飛蹄去急。錦羈遺在翠微間。

神駒委步下天閑。霜鬣冰蹄振玉環。渴吸長川三百尺。却乘仙仗出雲間。

園亭雜詠

次陳都憲高梧韻

蕭蕭茅舍逐江開。漠漠楊花糝綠苔。閑把秦琴彈一曲。孤鸞別鶴。傍人來。

掉

烟波萬丈如無有。雙扶重器含樞紐。濟險功高人不知。有聲長作蒼龍吼。